

ხელშეკრულება სახელმწიფო შესყიდვების შესახებ №6-2013

ქ. თბილისი

27 დეკემბერი 2012 წელი

ერთის მხრივ შ.პ.ს "ჯორჯიან ექსპრესი" საქართველოს საკურიერო სამსახური "DHL"-ის ოფიციალური წარმომადგენელი საქართველოში, შემდეგში წოდებული როგორც "DHL" მისი დირექტორის მალხაზ პაპელაშვილის სახით, და მეორეს მხრივ სსიპ სურსათის ეროვნული სააგენტო მისი უფროსის ბ-ნ ზურაბ ჩექურაშვილის სახით, შემდგომში "შემკვეთი" შეთანხმდნენ შემდეგზე:

1. ხელშეკრულების საგანი:

- 1.1. ხელშეკრულების საგანს წარმოადგენს, სურსათის ეროვნული სააგენტოს მიერ, მომწოდებლისაგან, საფოსტო-საკურიერო მომსახურების (CPV64100000) შესყიდვა გამარტივებული შესყიდვის საშუალებით.
- 1.2. შესყიდული მომსახურება გულისხმობს - დოკუმენტაციის, მცირე და საშუალო ტვირთების ჩაბარებას მითითებულ მისამართზე საქართველოს ტერიტორიაზე "DHL"-ის მომსახურე პუნქტებში.
- 1.3 ტვირთების ქვეშ იგულისხმება ნებისმიერი საგანი ან ნივთი, რომელიც შეფასებულია და გააჩნია ღირებულება. "DHL"-ის მიერ გასაგზავნად მიიღება ნებისმიერი საგანი ან ნივთი, რომელიც არ არის აკრძალული საქართველოს კანონმდებლობით.

2. გზავნილების მიღება

- 2.1. გზავნილების მიღება ხორციელდება:
"DHL"-ის კურიერის უფასო გამოძახებით "შემკვეთის" ოფისში ტელეფონის საშუალებით (ტ. 69-60-60), წინასწარ შეთანხმებულ პირთან და შეთანხმებულ მისამართზე. კურიერის გამოძახება გზავნილების ასაღებად უნდა მოხდეს დღის განმავლობაში არაუგვიანეს 16:30 საათისა, ხოლო შეტყობინება გამოძახებაზე კეთდება მინიმუმ 1 საათით ადრე.
- 2.2. „ გზავნილების მიღების დღეები:
ა) გზავნილების მიღება სამუშაო დღეებში დილის 10.00-დან 18.00-მდე.
ბ) შაბათს გზავნილების მიღება 10.00-დან 13.00.მდე.

3. დამატებითი მომსახურება

- "DHL"-ის მხრიდან დამატებით უფასო მომსახურებაში შედის:
- ა) კურიერის გამოძახება "შემკვეთის" ოფისში ან მის მიერ მითითებულ ადგილას.
 - ბ) "DHL"-ის სტანდარტით გათვალისწინებული შესაფუთი საშუალებებით უზრუნველყოფა.
 - გ) ინფორმაციის მიწოდება გზავნილების შესახებ მისი გადაადგილების მთელ მარშრუტზე.

4. მხარეთა ვალდებულებები:

- 4.1. „შემკვეთი“ პასუხს აგებს ყველა იმ ხარჯისა და ზიანისათვის, რომლებიც დადგა იმის გამო, რომ არასწორად ან არასრულყოფილად იქნა წარმოდგენილი:
ა) მიმღების ზუსტი დასახელება და ზუსტი მისამართი;
ბ) ტვირთის სახეობის ჩვეულებრივი სახელწოდება და შეფუთვის სახე, საფრთხეშემცველი ტვირთის დროს, მათი საყოველთაოდ აღიარებული აღნიშვნა;
გ) გადასახიდი ტვირთის რაოდენობა, ნიშნები და ნომრები.

დ) ტვირთის ღირებულება და მიწოდებისადმი განსაკუთრებული ინტერესის აღნიშვნა.

4.2. DHL-ის პასუხისმგებლობა ერთმნიშვნელოვნად განისაზღვრება, ნებისმიერ ცალკეულ ტვირთზე ინვოისში მითითებული ტვირთის ღირებულებით. თუ "შემკვეთი" ჩათვლის ზემოაღნიშნულ ანაზღაურების დადგენილ ზღვრებს არასაკმარისად, მან დამოუკიდებლად უნდა დააზღვიოს ტვირთი. წინააღმდეგ შემთხვევაში ტვირთზე ზარალის რისკი გადადის "შემკვეთზე". ნებისმიერი სხვა სახის ზარალს (როგორც არის პროცენტული ამონაგები, საქმიანი პერსპექტივა და სხვა სარგებელი) მიუხედავად იმისა არის ეს ზარალი პირდაპირი თუ არაპირდაპირი, და/ან იმ შემთხვევაშიც კი თუ DHL-ს ეცნობა ზარალის შედეგად გამოწვეული ან მოსალოდნელი რისკის შესახებ ტვირთის მიღებამდე ან მიღების შემდეგ, DHL არ ანაზღაურებს, რადგან "შემკვეთი" უფლებამოსილია თავად განახორციელოს განსაკუთრებული რისკების შედეგად გამოწვეული ზარალის დაზღვევა.

4.3. „შემკვეთს“ შეუძლია დათქმულ ტარიფზე დანამატის გადახდის საფუძველზე, როგორც განისაზღვრება მხარეთა მოლაპარაკებით, ყოველი კონკრეტულ შემთხვევისათვის, ზედნაგებში აღნიშნოს თავისი განსაკუთრებული დაინტერესება ამ გადახდით.

4.4. ცალკეულ ტვირთზე არ უნდა განცხადდეს ერთ პრეტენზიაზე მეტი, ამასთან განხორციელებული ანგარიშსწორება უნდა ჩაითვალოს როგორც სრული და საბოლოო მთლიან ზარალზე.

4.5. "DHL" გააჩნია გირავნობის უფლება მთელ ტვირთზე, ყველა იმ ხარჯის დასაფარავად, რომელიც წარმოიშობა "შემკვეთის" მიერ, არსებული ხელშეკრულების ან შეთანხმების არასათანადოდ შესრულების შედეგად.

5. ხელშეკრულების კოორდინაცია

5.1. მხარეები "DHL" და "შემკვეთი" ნიშნავენ პასუხისმგებელ თანამშრომლებს, რომლებიც კოორდინაციას უწევენ ყველა საკითხს ხელშეკრულების მოქმედების პერიოდში.

"DHL"-ის მხრიდან ნინო კობილაშვილი 595 909 800.

"შემკვეთის" მხრიდან მზია გელბახიანი. ტელ: 577 08 07 55

6. მომსახურების ღირებულება და გადახდის პირობები:

6.1. ხელშეკრულების საერთო ღირებულება შეადგენს 2500 (ორიათასხუთასი) ლარს საქართველოს კანონმდებლობით დადგენილი ყველა გადასახადის გათვალისწინებით.

6.2 ხელშეკრულების საერთო ღირებულების ფარგლებში, "DHL"-ის მიერ, კონკრეტულად გაწეული მომსახურების ღირებულების განსაზღვრა ხდება მომწოდებლის მიერ დადგენილი ტარიფის შესაბამისად.

6.2 "DHL"-ის მიერ გაწეული მომსახურების ღირებულების გადახდა ხორციელდება უნაღდო ანგარიშსწორებით და "შემკვეთი" ანგარიშსწორებას ახდენს წინამდებარე ხელშეკრულებაში მითითებული "DHL"-ს საბანკო ანგარიშზე, DHL -ის მიერ ყოველთვიურად წარდგენილი ანგარიშებისა და მხარეებს შორის გაფორმებული მიღება-ჩაბარების აქტის საფუძველზე. ანგარიშსწორება უნდა მოხდეს მიღება-ჩაბარების აქტის გაფორმებიდან 5 საბანკო დღის განმავლობაში.

6.3. ანგარიშსწორება ხდება ეროვნულ ვალუტაში.

6.4 ტარიფების შეცვლის შემთხვევაში, "DHL" იღებს ვალდებულებას აღნიშნულის შესახებ 10 დღით ადრე შეატყობინოს "შემკვეთ"-ს.

7. ზოგადი პირობები

ყველა კომერციული, ტექნიკური და სხვა სახის ინფორმაცია ან მონაცემები მიღებული ერთი მხარის მიერ მეორე მხარისაგან მკაცრად კონფიდენციალურია. ორივე მხარე ვალდებულია მოეკიდოს მას, როგორც საკუთარს და არავითარ შემთხვევაში არ დაუშვას ამ ვალდებულების დარღვევა.

8. ხელშეკრულების მოქმედების ვადა:

8.1 ხელშეკრულება მოქმედების ხელმოწერის დღიდან და ძალაშია 2013 წლის 31 დეკემბრის ჩათვლით.

9. ფორს-მაჟორი

9.1 მხარეები თავისუფლდებიან წინამდებარე "ხელშეკრულებით" განსაზღვრული მათი მოვალეობების სრულად ან ნაწილობრივ შეუსრულებლობის და მათი დაგვიანებით შესრულების გამო პასუხისმგებლობისგან, თუ ხსენებული გამოწვეულია ფორს-მაჟორული გარემოებებით.

9.2 ფორს-მაჟორული გარემოებები მოიცავს: ომებს, გაფიცვებს, სამოქალაქო დაუმორჩილებლობებს, მიწისძვრებს, ხანძრებს, შტორმებს, მეწყერებს, წყალდიდობებს, იმ სახელმწიფო დაწესებულებების და ადმინისტრაციის მიერ კანონმდებლობის თუ სამართლებრივი აქტების მიღებას, სადაც სრულდება გადაზიდვა.

9.3 ფორს-მაჟორული გარემოებების დადგომისას, დაზარალებული მხარე ვალდებულია წერილობით აცნობოს მეორე მხარეს აღნიშნულზე ფორს-მაჟორის დადგომის თარიღის და ხასიათის მითითებით 7 (შვიდი) დღის განმავლობაში.

10. დასკვნითი დებულებები:

10.1 ნებისმიერი სადაო საკითხი გადაწყდება მხარეთა შორის ურთიერთშეთანხმების გზით, შეთანხმების მიუღწევლობის შემთხვევაში, დაინტერესებულ მხარეს უფლება აქვს მიმართოს სასამართლოს.

10.2. სამართლებრივი მოვალეობების შესრულების ადგილია ქ. თბილისი და მოქმედად ითვლება საქართველოს კანონმდებლობა.

10.3. წინამდებარე ხელშეკრულება შედგენილია ორ თანაბარი იურიდიული ძალის მქონე ეგზემპლარად.

იურიდიული მისამართები:

"შემკვეთი"
სსიპ „სურსათის ეროვნული სააგენტო“
მის.: თბილისი, მარშალ გელოვანი №6
ტელ.: (+995 32) 291 91 65 (130)
ს.კ. 205142200
Email: mzia.gelbakhiani@mfa.gov.ge
საბანკო რეკვიზიტები:
სს "ლიბერთი ბანკი"
ბანკის კოდი: **LBRTGE22**
ა.ა **GE35BLB 01211224471446000**

სახელი, გვარი ზურაბ ჩეკურაშვილი
თანამდებობა: სააგენტოს უფროსი


ბეჭედი

"DHL"
შ.პ.ს „ჯორჯიან ექსპრესი“
საქართველო, თბილისი 0119
წერეთლის გამზ.№105
ტელ: 269 60 60 ფაქსი: 234 03 93
საინტელექტუალური კოდი № 201954965
სს „საქართველოს ბანკი“
ბანკის კოდი BAGAGE22
ანგარიშის № 70BG0000000391050200

სახელი, გვარი: მალხაზ პაპელაშვილი
თანამდებობა: გენერალური დირექტორი


ბეჭედი
